



Infurmaziuns/renviaments per ils geniturs resp. per educaturas ed educaturs pertutgant l'examen d'admissiun per la 3. classa dal gimnasi sco era per la 1. classa da la scola media spezialisada e la scola media commerziala a las scolas medias grischunas 2023

1. Basa legala

Per l'examen d'admissiun per la 3. classa dal gimnasi, sco era per la 1. classa da la scola media spezialisada e la scola media comerciala vala l'Ordinaziun davart la procedura d'admissiun a las scolas medias dals 02-09-2008, versiun dals 01-08-2019 (ordinaziun d'admissiun a las scolas medias; DG 425.060). L'Ordinaziun pon ins retrair dals secretariats da las singulas scolas medias u telechargiar da l'internet (p.ex. <http://www.ahb.gr.ch>).

2. Termin d'annunzia e data da l'examen

L'ultim termin d'annunzia è venderdi, **ils 13 da schaner 2023**.

L'annunzia succeda via internet (<http://www.zap.gr.ch>). La taxa d'examen munta a 100.-- frs. Annunzias retardadas na pon betg vegnir resguardadas (art. 6 al. 3 ordinaziun d'admissiun).

Ils examens d'admissiun han lieu mardi, **ils 14 da mars 2023**.

Annunzias tar ils examens d'admissiun per la 3. classa dal gimnasi sco era per 1. classa da la scola media spezialisada e da la scola media comerciala èn era pussaivlas or da la 2. e 3. classa da la scola reala (dentant senza resguard d'ina nota d'admissiun).

L'admissiun a l'examen or da l'emprima classa da la scola dal stgalim secundar I è excludì.

3. Emprima lingua

Tenor art. 6 alinea 2 da l'Ordinaziun decleran las candidatas ed ils candidats ensemen cun las educaturas u ils educaturs (titulars da la tgira da genitur) en l'annunzia ina da las linguas chantunalas sco lur emprima lingua, q.v.d. quella lingua en la quala els vulan far l'examen.

4. Roms d'examen

Tut las candidatas ed ils candidats fan l'examen d'admissiun en

- l'emprima lingua (tenor decleraziun en l'annunzia)
- anglais
- aritmetica ed algebra
- geometria

5. Pretensiuns

Las pretensiuns per l'admissiun ad ina scola media grischuna èn circumscriittas pli detagliadamain en las disposiziuns davart las enconuschientschas preliminaras (Bestim-

mungen über die Vorkenntnisse). Quellas pon ins retrair dals secretariats da las singulas scolas medias u telechargiar da l'internet (p. ex. <http://www.ahb.gr.ch>). Infurmuaziuns correspundentas dattan era magistras e magisters da la scola populara, sco era las singulas scolas medias.

6. Criteris d'admissiun

Tenor art. 22 alinea 2 cif. 2 e 3 da l'Ordinaziun d'admissiun da la regenza ston ins per passar l'examen d'admissiun en la 3. classa dal gimnasi cuntanscher ina media da 4.5, per passar l'examen d'admissiun en la SMS/SMC ina media da 4.0. Ultra da quai na dastgan las notas dals roms examinads betg esser pli che 1.5 puncts sut 4 (notas sut 4) e quai per tut las partiziuns.

7. Nota d'admissiun

Las candidatas ed ils candidats che fan l'examen d'admissiun suenter la 2. classa da la scola secundara, han il dretg d'ina nota d'admissiun. Tut las autras candidatas e candidats na pon betg far valair quest dretg.

La nota d'admissiun vegn calculada tenor da l'ordinaziun d'admissiun.

8. Access a la scola media spezialisada resp. scola media commerciala

Las candidatas ed ils candidats, ch'absolvan l'examen d'admissiun suenter la 2. classa dal stgalim secundar I, entran en la scola media spezialisada, resp. en la scola media commerciala, l'onn da scola **2024/2025**.

Las candidatas ed ils candidats ch'absolvan l'examen d'admissiun suenter la 3. classa dal stgalim secundar I, pon entrar sin dumonda en la scola media spezialisada, resp. en la scola media commerciala, l'onn da scola **2023/2024**.

9. Cumpensaziun dals dischavantatgs

Per la validaziun d'ina cumpensaziun dals dischavantatgs vegn renvià a la disposiziun da l'Uffizi per la furmaziun medi-superiura dals 28 da settember 2016 pertutgant il relasch da las directivas da la cumpensaziun dals dischavantatgs tar ils examens d'admissiun en ina scola media grischuna.

10. Cumportament en cas d'impediments e da malsogna

- Sch'ina candidata u in candidat ha problems da sanadad u ha impediments, èsi da communitar quai a la direcziun dal lieu d'examen sco era al secretariat per l'examen (Uffizi per la furmaziun media-superiura, Grabenstrasse 1, 7001 Cuira; support@zap.gr.ch), cun agiuntar in attest dal medi sche pussaivel a medem temp cun l'annunzia, il pli tard **però** avant l'examen.
- Las candidatas ed ils candidats che na pon betg far l'examen causa da problems da sanadad imprevis u d'in accident, han da communitar quai a la direcziun dal lieu d'examen sco era al secretariat per l'examen (Uffizi per la furmaziun media-superiura, Grabenstrasse 1, 7001 Cuira; support@zap.gr.ch) il pli spert pussaivel, il pli tard dentant **avant** l'examen e mussar in attestat dal medi.
- Las candidatas ed ils candidats che **durant** l'examen na pon betg al cuntinuar causa da problems da sanadad imprevis u d'in accident han d'annunziar quai immediatamain a la direcziun dal lieu d'examen e purtar il medem di anc in attestat dal medi. **A medem temp** sto vegnir orientà era il secretariat per l'examen (Uffizi per la furmaziun media-superiura, Grabenstrasse 1, 7001 Cuira; support@zap.gr.ch).
- Problems da sanadad u impediments che vegnan fatgs valair memia tard resp. posteriuramain na pon betg vegnir resguardads. Cunzunt las candidatas ed ils

candidats che fan l'examen savend da lur periclitaziun da sanadad u impediments, n'han nagin dretg d'ina annullaziun resp. d'ina repetiziun da l'examen.

11. Examens supplementars

Resguardond las disposiziuns menziunadas sura (guarda cif. 10) decida la gruppa directiva examens d'admissiun davart l'admissiun a l'examen supplementar e davart la dimensiun dal tal.

Ils examens supplementars han lieu a la Scola chantunala grischuna a Cuira: **mardi, ils 2 da matg 2023.**

12. Meds auxiliars e material

Als examens ston las candidatas ed ils candidats purtar cun sai in palpir d'identitad valaivel (carta d'identitad, pass u legitimaziun d'esters), material da scriver incl. ina color verda (per marcar schliaziuns en ils pensums da geometria), calculatur da giaglioffa, circol, lingera, geotriangul e palpiri.

Per l'examen dastgan vegnir duvrads mo ils documents dals examens (nagin agen palpiri da notizias). Tut ils exercizis èn da schliar directamain sin ils documents d'examen.

Ils examens ston vegnir scrits cun **culli blau u nair** u cun **tinta blava u naira** (cun excepziun dals dissegns geometrics). Fieuters da pilot n'èn betg lubids.

Il diever d'in rispli è cun excepziun da las construcziuns da schliaziuns geometricas en il rom d'examen geometria betg lubì.

Durant ils examens n'èsi betg lubì da duvrar dicziunaris monolings u bilings u dicziunaris electronics sco era telefons mobils (telefonins), smartwatches u auters meds d'agid. L'utilisaziun da marcaders, da la lingera e dal geotriangul è lubida.

En ils roms d'examen emprima lingua, Englisch/Englais/Inglese sco era aritmetica ed algebra n'èn lubids nagins meds auxiliars. L'utilisaziun da marcaders, da la lingera e dal geotriangul è lubida.

En il rom d'examen geometria pon ins duvrar in calculatur **senza CAS, che n'è betg programmabel u capabel da far graficas**. Segirai per plaschair ad uras avant l'entschatta da l'examen d'admissiun, che Vus avais in calculatur da giaglioffa **lubì**. I vegn cusseglia, en cas da dubi, da dumandar suenter ad uras tar Vossa persuna d'instrucziun da matematica u en ina fatschenta spezialisada. Schliaziuns geometricas èn da marcar cun color verda.

Ils candidats ston s'identifitgar tar ils examens d'admissiun entras in palpiri d'identitad valaivel. (carta d'identitad, pass u legitimaziun d'esters).

13. Exclusion da l'examen

Sch'ins fa diever da meds auxiliars nunlubids, sco era sch'ins sa deporta illoialmain vegn ins exclus da l'examen d'admissiun. Sche in candidat u candidata ha gia fatg ina part dals examens na vegnan quellas betg validadas e l'examen vegn considerà sco betg reussi.

14. Comunicaziun da la decisiun da l'examen

Tenor art. 14 da l'Ordinaziun davart ils examens d'admissiun succeda la comunicaziun davart il resultat da l'examen a las candidatas ed ils candidats en scrit ed exclusivamain da la Gruppa directiva examens d'admissiun. Il resultat vegn comunicà cun posta A cun resalva d'incaps betg previs gievgia, **ils 30 da mars 2023** (bul postala, betg data da consegna). Il medem di a partir da las 18.00 san ins prender invista online al resultat da l'examen sin www.zap.gr.ch. Per l'invista online vegnan

duvradas las datas d'access che vegnan utilisadas per l'annunzia electronica da l'examen.

15. Uras, telefonins ed auters apparats electronics

Telefonins ed auters apparats electronics ston vegnir mess ord funcziun durant ils examens d'admissiun e ston vegnir deponids en la bagascha. Uras ston era esser deponidas en la bagascha. En las stanzas d'examen hai uras.

16. Ulteriuras infurmaziuns

Ulteriuras infurmaziuns davart ils examens d'admissiun dattan las singulas scolas medias grischunas u il secretariat da la gruppa directiva examens d'admissiun (Uffizi per la furmaziun media-superiura, Grabenstrasse 1, 7001 Cuira, tel. 081 257 61 70 u 081 257 61 69).

Adressas da website dals uffizis respectivs chantunals:

Uffizi per la furmaziun media-superiura	http://www.ahb.gr.ch
Uffizi per la scola populara ed il sport	http://www.av.s.gr.ch

Adressas da website da las scolas medias grischunas:

Academia Engiadina Samedan	http://www.academia-engiadina.ch
Center da formaziun Surselva	http://www.bzs-surselva.ch
Scola chantunala grischuna	http://www.bks-campus.ch
Scola media evangelica Schiers	http://www.ems-schiers.ch
Institut Otalpin Ftan	http://www.hif.ch
Scola claustrala Mustér	http://www.gymnasium-kloster-disentis.ch
Lyceum Alpinum Zuoz	http://www.lyceum-alpinum.ch
Scola media svizra alpina Tavau	http://www.samd.ch
Gimnasi svizzer da sport Tavau	http://www.sportgymnasium.ch